

## Habari

# SERIKALI KUCHUKUA HATUA KWA WALIOMZUSHIA KIFO MAKAMU WA RAIS

11th Dec, 2023



**Na Mwandishi wetu, WHMTH, Dar es Salaam.**

Waziri wa Habari, Mawasiliano na Teknolojia ya Habari, Mhe. Nape Nnauye, ametangaza nia ya serikali kuchukua hatua za waliomzushia kifo Makamu wa Rais Dkt. Phillip Mpango, ili kudhibiti matumizi mabaya ya mtandao na kuwalinda wananchi dhidi ya matumizi mabaya ya mitandao.

Kupitia mtandao wake wa kijamii wa X tarehe 10 Disemba 2023, Waziri Nape Nnauye alisisitiza kwamba serikali ina sheria zinazoelekeza matumizi sahihi ya mtandao pamoja na taasisi na watu wa kusimamia utekelezaji wa sheria hizo ili kulinda watumiaji mitandao na wananchi kwa ujumla.

Aidha, Waziri amehakikishia umma kwamba hatua zitachukuliwa kwa kuzingatia sheria hizo bila kuathiri uhuru wa watu, akionyesha matumaini kwamba wananchi wataelewa nia njema ya serikali katika kudhibiti matumizi mabaya ya mtandao. Maoni yake yamepokelewa kwa namna tofauti na umma, huku baadhi wakitoa maoni yao kuhusu hatua hizo za udhibiti wa matumizi ya mtandao.

Akizungumza na mwandishi wa habari hizi kwa simu, Waziri Nape alisema kuwa matumizi salama ya mtandao ni muhimu sana katika kuhakikisha amani na usalama wa nchi unakuwepo. Amesema zipo sababu za msingi na umuhimu wa matumizi salama ya mtandao kwa kuepuka matumizi mabaya kama ilivyotokea hivi karibuni kwa baadhi ya watumiaji wa mitandao ya kijamii kumzushia kifo Mhe. Makamu wa Rais.

Akifafanua umuhimu wa kukuza amani na utulivu kwa nchi amesema “matumizi mabaya ya mtandao yanaweza kusababisha taharuki na hata kuhatarisha amani na utulivu wa nchi. Kutoa taarifa za uzushi wa kifo kwa wananchi kunaweza kuchochea hofu na wasiwasi kwa jamii.”

Amesema pia kuwa kulinda heshima za wananchi wote, matumizi mabaya ya mtandao yanaweza kudhuru sana heshima na hadhi ya wananchi kwa ujumla. Amefafanua kuwa kutoa taarifa na kuzusha kuhusu kifo kwa mtu yeyote ni ukiukwaji wa heshima na utu wa mtu na inaweza kuathiri maisha yao na kuleta mtafaruku usio na sababu.

“Matumizi mabaya ya mitandao ya kijamii yanaweza kutumiwa kwa urahisi kutengeneza na kusambaza habari potofu na